

Portam hanc nominant alii *Pierreport*, *Petra portam alii Pierre-pertus Petram pertusam*. Descriptam vere accurate, que ab Sebastiano Munstero, Merula, qui eam aliquando transgressus, testatur. Inscriptionem supra Portam satis claram idem deprehendit, nisi quod primæ vocis litteræ reliquis magis sint extritæ

N.:...:ANGVSTI VIA DVCTA PER ARDVAMONTIS

FECIT ITER PETRAM SCINDENS IN MARGINE FONTIS.

Per hunc fontem intelligit Poeta Byrsam amnem, qui ibi ex Petra magna Aquarum vi erumpit, Procurrit inde Iura versus Libonotum inter Helvetios Sabaudosq; , quos ad Vulturum respicit, & Burgundos, quos ad Canturum relinquit (unde & apud Cæsarem lib. 1. duobus locis Iura Sequanos ab Helvetiis dividit) secus varios Lacus, quorum præcipuus Lemannus; ubi longe lateq; *Mons S. Claudii* nuncupatus ad Rodanum tandem terminatur. De aliis, qui ad Gallias etiam nonnihil spectant, de *Pyrenæo*, inquam, dixi, in Descriptione Hispaniæ: deque Alpibus differam, ubi Italiam percurrendum mihi erit. Silvæ Galliis sunt frequentes, non tamen, ut aliis in regionibus, magnæ non densæ, non ita dumis horridæ. Apud Cenomannos variæ sunt, *Les Forests de Versay, Longoumey, Persi, Sille, Charnay, Audain, Maine, Concise* apud Britannos Inferiores, de *Bois blanc, de Torion, de Guierche*; apud Pictones, *Les Forests de Monliore, Dync, Bresse, Ligne*, & aliæ: apud Bituriges *Silva Roberto* cum aliis visitur; apud Andegavos, *Loursaie & Marson*. Totus Bononiensium Ager una quasi obsessus est Silva, cujus partes, *Les Bois de Surene, Celles, Hardelet, Dalles, Bourzin*. Apud Veromandos hæud procul Perona Nemora sunt *Recoigne & Bouhâ*: Apud Picardos, *Bois de Baine, de Beaulieu, de la Fere, de Coussi*. Nec suis caret Silvis Lotharingia: *Warned-Waldi, le Banbois, Bois de Mondon, de Heyde, de S. Benoît, de la Voyge, Mortaigne, Doseyne*. In Burgundiis multæ sunt silvulæ, quarum nunc non occurrunt nomina. Alias prætereo, quæ passim per Gallias hic ibi sparsæ. *Arduenna*, hodie potissima parte est in Inferiore Germania, ideoque ibi describenda. *Gallicam* vocat *Claudianus*: & *Silvam Galliæ maximam* Cæsar lib. vi de bello Gallico, quod olim esset in Gallia Belgica. Gallos vero admodum deditos Religioni, atque inter primos fuisse qui Christianam Religionem amplexi sint, & semper præ reliquis eam servaverint & coluerint, non solum Veterum scripta & monumenta: sed etiam Tempia: aliaque Religioni loca destinata testantur, quæ in urbibus & pagis ubique magno numero conspiciuntur. Certe in una urbe Parisiensi LXXIX universim numerantur: inter ea augustissimū, Cathedrale D. Virginis; quod jactis ab Philippo Augusto anno CIO CXCI, fundamentis, serio ædificari cœptum CIO CCLVII, D. Ludovico regnante: ex Galliæ miraculis præcipuum. Columnis CXX sustinetur, Longitudo passuum CLXXIV: latitudo LX: altitudo C. Chorus lapide cinctus: Historiis ex veteri Novoque Testamento insculptis. In ambitu habet Sacella XLV, ferreis Clathris munita. Univerſim Portæ XI. In fronte tres biforæ, statius XXVII Regum insignes. Ad latera Turres visuntur, seu Moles verius Campanariæ, altitudine XXXIV Cubitorum. Campana Maxima, cui a b Maria Virgine cognomen, viginti Viros flagitat pulsanda: Sonitus sereno cœlo per septem Leucas facile auditur.

Infinitum

Silvæ

Opera publica.